

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

De Gaïna Barbaro Gotthorū duce, eiusq[ue] Flagitijs. Capvt IIII.

**urn:nbn:de:hbz:466:1-12718**

S O Z O M E N I H I S T O R .

De Gai na Barbaro Gotthorū duce, eiusq; Flagitij.

C A P V T I I I I .

**H**oc autem tempore Gajnas homō Barbarus, ad Romanos transfuga, ex gregario milite pr̄ter exspectationem ad dignitatem ducū subiectus, sibi vendicare conabatur Imperium Romanum: Hoc autem dum molitur gentiles suos Gotthos ex proprijs agris in Romanos euocat, & amicos suos secum pr̄fectos exercitum & Chilarchas constituit: Tumultuante itaque Tirbignis, qui illum sanguinis vinculo contingens numeroso militum exercitui pr̄eraerat in Frigia, non latuit quidem cordatos illum hæc machinari, sed tamen quia se indignari sedulo simulabat, cum ibi euerterentur urbes, commissum ipsi fuit ut his suppeditias ferret. ut autem in Frygiam peruenit, adducta secum Barbarorum copia, perinde ac si ad bellum venisset, animum suum, quem antea cœlauerat, re ipsa prodidit, ac ciuitates quas defendere iussus erat, alias depopulatur, alias mox videtur inuasurus: In Bithyniam hinc progressus ad Calcedonis fines castrametatus, & bellum comminatus est. Rebus igitur in discrimen adduetis, maximè ciuitatum earum quæ per Asiam atque Orientem erant, quæque inter has ipsas & ad Euxinum pontum incolebantur, Imperator cum his, qui secum erant considerans non esse tutum imparatos in certamen descendere cum huiusmodi hominibus, quibus erat iam sua deplorata vita, missis literis nūciauit, ut peteret, quicquid vellet, se enim esse paratum in omnibus gratificari: Ille verò Saturninum & Aurelianum viros consulares quod eos refragari sibi arbitraretur, postulauit, acceptis autem pepercit, & Imperatorem conuenit in templo quodam ante Chalcedonem, in quo Euphemiae martyris sepulchrum est, ubi dato & accepto benevolentia iureuando, arma depositus, & Constantinopolim traiecit, impetrata ab Imperatore tum peditū tūequitum pr̄fectura: At verò pr̄ter meritam dignitatem sibi res euenire tam secundas nequaquam moderatè tulit, sed quoniam prima temeritas illi ex animi sententia cesserat, etiam Catholicae ecclesiam turbare conatus est, erat enim ille Chianus

stianus

stianus quidem, sed ex Barbarorum hæresi, qui Arrium sectantur: Persuasus igitur ab eius sectæ Antistitibus, aut suo potius studio motus, petijt ad Imperatorem, ut suæ sectæ hominēs, ex his, quæ in vrbe erant, vnam Ecclesiam haberent. Neque enim æquum, & alioqui absurdum esse querebatur, se, quum dux esset Romanorum, extra mœnia adoratum proficiisci: His cognitis Iohannes non diu acquieuit, sed adiunctis sibi episcopis his, qui in vrbe erant, venit in Palatium, & imperatore aures præbente, ipsoq[ue] Gajna præsente, prolixè differuit, ac patriam huic & fugam exprobrauit, & quod Imperatoris patri tuum seruatus iureiudando promiserit se benevolentiam erga Romanos perpetuo ratam, erga ipsum denique, erga iphus filios, erga leges esse conseruaturum, quas tamen irritas iam facere conaretur, simulque cum hæc diceret, legem ostendebat, quam Theodosius sanciuera, cum sectarios omnes arceret, ne intra mœnia cōuentus agerent: Deinde conuersa ad Imperatorem oratione, cum hortabatur vi latam aduersus ceteras hæreses legem ratam conseruare, simulque consulebat satius esse Imperio cädere, quān prodere domum Dei, & à Religione deficere: Atque is quidem ad hunc modum viriliter vsus loquendi libertate nihil innouari passus est in ecclesijs sibi concreditis: Gajnas igitur iam infringere iusirandum, & ciuitatem euertere cogitabat. Quo tempore & cometa has insidias portendebat, qui supra ciuitatem maximus apparuit, ad ipsam usque terram ferme pertingens, & qualis ante nunquam fuisse dicitur: Tentarat autem primum Argentariorum tabernas inuadere, quod se hinc pecuniarum aceruos conuasaturum esse speraret. Rumore sparso quod ista decreuisset, & argentarijs proinde præsentes maximè opes abscondentibus, neque pecuniā in mensis ut solebant publicè amplius proponentibus, noctu turba Barbarorum immissa præceperat succendi Palatium: Illi autem perculsi re infecta reuersi sunt, Nam cum prope accessissent, videre sibi visi sunt multitudinem armatorum vastis corporibus formidabilium. Suspiciati ergo nouitium esse exercitum, nunciavunt Gajnæ: Ille verò, sciebat enim nihilo plures

Aa iiij      foliis

## SOZOMENI HISTOR.

folitis milites in vrbe degere, dictis fidem adhibere nolebat. Cæterum cum & in sequenti quoque nocte missi alii, idem annunciasse quod priores illi, ipse progressus ocularus testis fuit admirandi spectaculi: Ratus igitur sua gntia conuenisse ex alijs vrbibus milites, ac noctu custodiare vrbem atque Palatium, interdiu verò latitare, simulat se dæmonio vexari, & quasi oraturus ecclesiam occupat eam, quam in honorem Iohannis Baptiste Imperatoris pater in Hebdomo construxerat: Ex Barbaris autē alij in ciuitate manserunt, alij vnā cum Gajna egressi sunt. Clanculum verò arma, ac tclorū pharetras fœmineis vehiculis impositas secum eduxerunt: At cum deprehensi essent, portarum vigiles interficiunt, quod hi armorum exportationem prohibere conarentur: Qua ex re ciuitas motu ac tumultu repleta fuit, haud secus ac si iam iam capienda esset. Sed præsentibus malis remedio fuit consiliū sanum. Imperator enim nihil cunctatus Gajnam declarabat hostē, & relictos in vrbē Barbaros interfici præcepit. Hos itaq; milites adorti plerosq; occidunt, appellatam verò Gotthorum ecclesiam incendunt: Hic enim velut in templo consueto congregati erant, quibus amplius effugere non dabatur occulis foribus: His intellectis Gajnas per Thraciam profectus in Cherronesum venit, & Hellespontum traiicere conatur. Cogitat enim quod si transmarinam Asiæ partem occupasset, facile vniuersas Orientalis Imperij gentes in potestatem suam redactus esset. Sed & hæc illi præter spem euenerunt, Romanis etiam hic auxilio diuino vtentibus. Præsto enim exercitus erat terra mariq; ab Imperatore missus, cui profectus erat Phlaubitas, vir natione quidem Barbarus, sed & vita integer, & rei bellicæ habilis: Barbari ergo cum naues non haberent, iunctis lignorum compagibus per Hellespontum in oppositam continentem traiicere conantur. Subito autem vehementer Zephyrus exortus compages istas vi disruptit, & contra eas ipsas Romanorum naues impulit. Itaque ex Barbaris plurimi vnā cum equis ipsis submersi, reliqui à militibus imperfecti sunt: Gajnas tum quidem cum paucis saluatus fuit, sed nō multo post, dum per Thraciam oberrat ac fugit, in aliud exercitum incidit, & vnā cum

vnā cum Barbaris suis sublatus est: Atq; hic quidem fuit audaciæ pariter ac vitæ illius finis. Phlaubitas ex ea pugna clarus factus hyparchus cōstituitur: Tum porrò hoc ipso & Vincentio consulibus, Imperatori nascitur filius, qui auctum nomine referebat, qui sequentis consulatus initio Cæsar appellatur.

*Quo modo Iohannes Chrysostomus doctrina sua  
vulgaris attraxerit, ac de muliere Hæreſeos  
Macedoniana, cuius panis est in lapi-  
dem conuersus. C.A.P. V.*

Iohannes autem ut Constantinopolitanam eccelesiam optimè gubernabat, ita multos ex paganis, multos ex Hæreticis, alliciebat: Cōfluebat ad illū quotidie multitudo, tum eorū, quos vtilitas doctrinæ, tū eorū, quos tentandi illius cupiditas ducebant: quos quidē vniuersos ille captiuos tenuit, & vt sibi in Religione cōsentirēt, persuasit: Tanta verò frequentia eorū erat, qui cōcionib; illius inhiabant ac satiari non poterant, vt, quoniā illi ex mutuo impulso atque obtritu periclitarentur, dum singuli prorsum nituntur semper, vt proprius astantes dicentem certius audiant, ipse medium se omnibus exponens è suggestu lectorum docuerit: Oportune autem mihi relatus in hāc historiam videor miraculū istud quod illius memoria factum est: Vir quidam ſectator Hæreſeos Macedoniana, eiusdem ſectæ vxorem habebat: Hic cum Iohannē de ſynē erga Deum Religione differentem fortè audiuerſet, doctrinam amplexus, & vxorem quoque vt sibi consentiret hortatus est, & quoniam illa notarum mulierum ſolita consuetudine captiuā teneretur, vt maritus, quamuis admonuiffet ſæpe, nihil tamē proficeret, niſi, inquit, in Religione mihi confors fueris, ne in vitæ quidem communione poſthac eris. Ibi mulier data fide ſe id fakturā, cum ancilla quadā, quam fidā arbitrabatur, de hac re cūmunicat, ēaq; ſibi ad fraudē marito faciendam, ſociā adiungit. Itaq; tempore communionis (intelligunt autem qui Christo ſunt initiati, quid dicam) illa quod acceperat, contiñens, velut oratura procumbit, famula interim aſtans fur-

Aa v tim